

LA QUOTIDIANA

FMR Fundaziun Medias Rumantschas, Via da Masans 2, 7000 Caira, 081 544 89 11, redacziun@fmr.ch

LAAX

Carl Strauss, gl'artist emblidau

1922 ei Carl Strauss arrivaus a Laax. A Salums ha el baghegiu 1927 ina casa ed ha viviu leu cun sia dunna Helen nata Keller varga 30 onns. Dumengia ei l'exposiziun commemorativa pigl anniversari da 150 onns digl artist s'aviarta.

AUGUSTIN BEELI/FMR

Las parallels ein interessantas: Era Hans Moser (1922-2012) ei naschius els Stadis Uni. Era quel ei staus in artist ch'ei vegnius da Flem a Laax. Carl Strauss sco Hans Moser ein restai fideivels per veta duronta a Laax. Ton il caricaturist Moser sco il designader Strauss han schau anavos suenter lur mort in reh relasch en fuorma d'ovras d'art.

Scolast dil scolast Toni Nigg

Suenter ch'ils da Laax han commemorau onn vargau il 100avel da Hans Moser, ha ier dumengia ina commemoraziun pil 150avel anniversari da Carl Strauss entschiet. La historiche-ra d'art e directura administrativa dil Museum d'art dil Grischun, *Nicole Seeberger*, ha introduciu l'exposiziun speciala. A quell'instituziun ha la vieua da Carl Strauss, Helen Strauss-Keller (1899-1985), surdau 1973, pil 100avel anniversari dil consort, varga 500 ovras. Igl ei bia gravuras e dessegns ner alv, mo era maletgs ch'el ha fatg cun pictura a tempera. Il relasch ei da principi



Per l'exposiziun ha il designer da tuns Anselm Caminada fatg ina installaziun en connex cun gravuras da Carl Strauss.

FOTO AUGUSTIN BEELI

aunc buca perscrutaus. Carl Strauss sco artist, copist e gravader ha strusch retschiet entochen oz l'attenziun ch'el meritass. A Laax era el buca secasaus per survegnir quella, mobein per saver lurvar en ruaus. Sia dunna, derivonta dil cantun

Argovia, era 26 onns pli giuvna ch'el. A Salums ha el mussau a Toni Nigg, professor da dessegna alla scola cantunala ed illustratur, da far gravuras d'iron. Toni Nigg ha era fatg 1957 gl'emprementari dall'ovra.